

Minzczuz Doxgiet Ranz Caen Ndeu 民族团结一家亲

Saw Veh Haenh Doxgiet, Ciengxlwenx Riengz Dangj Byaij

书画颂团结，永远跟党走

Bonjbauq siusik (gicej Vangz Hauyinz) 8 nyied 20 hauh, “ciengxlwenx riengz aendangj byaij— aen saw veh doxdax minzczuz doxgiet baenaj Gvangjsih” aen yizsiz fat ciengj caeuq langhbaiej cozbini ndaej ciengj youq Swcigih Duzsuhgvanj haibanh. Hozdung youz Swcigih Minzczunghveij cawjbanh, Gvangjsih Minzczuz Cuzbanjse ciepbanh. Mbat doxdax neix gungh sou ndaej 6202 fuk cozbini, miz 96 fuk aeu ndaej ciengj. 8 nyied 20 daengz 9 nyied 20 hauh, gij cozbini ndaej ciengj couh youq Swcigih Duzsuhgvanj langhbaiej okdaej.

Boux dangjcu j cwngzyenz、boux fucujyin Swcigih Minzczunghveij Veih Yungjhungz haenhnaeuz aen doxdax neix gig ndei. De naeuz, doengh fuk saw veh neix baijok le gij caencingz gak minzczuz, langhbaiej gij haedsim gyacizgvanh seveicujyi dazyinx cauh’ok gij doxgaiq cingsaenz vwnzva, caencingq gangj ndei gij goj Cungguek, gangj ndei gij goj Gvangjsih caeuq gij goj minzczuz doxgiet baenaj gih raeuz.

Yienhciengz, lai fuk saw veh lumj “Gyaeundeij Cungguek” “Lajmbanj Hwnghoengh” “Aenbiengz Huzndei” sij roxnaeuz veh ok seizdaih moq, gangj gij bienqvaq gak hangznieb、gak minzczuz doxhuz doxndei、beksingq gvaq ndaej an’ onj, langhbaiej gij hongsaeh minzczuz doxgiet baenaj gih raeuz guh’ok makbaenz ndei raeuh, caiq cukmaenh gij eiqsik caezcaemh Cunghvaz Minzczuz, hawj vunzlai dawz minzczuz doxgiet cuengq haeujsim, caiq guh ndaej daengz.



▲ Gij lingjdauj bouxhek ngonzyawj cozbini ndaej ciengj.

Bwzswz: Aeu “It Sienq Sam Yungzhab Haj Vaq” Doicaenh Minzczuz Doxgiet

百色：以“一线三融合五化”助推民族团结

Gyawj geij bi neix doxdaej, Bwzswz Si cienzmienh gvancez guhsaed gij vah gvendaengz hongsaeh minzczuz youqgaenj caeuq gij cingsaenz cazyawj Gvangjsih Siz Ginbingz cungsuhi, aeu “it sienq sam yungzhab haj vaq” bae guh gij hongsaeh cauhsuh minzczuz doxgiet baenaj. Couhdwg gaemmaenh cukmaenh gij eiqsik caezcaemh Cunghvaz Minzczuz diuz sienqmeh neix,

dawz cauhsuh aen si guhyiengh minzczuz doxgiet baenaj daengx guek caeuq gij hong youqgaenj、gij baijbouh daengx buenz、cauhsuh aen si vwnzmingz doxyungz hwnjdaej, ciuq gij roenloh cingsaeqvaq baijbouh anbaiz、biucinjvaq doidoengh guhsaed、vangigwzvaq son’ gyauq lwnhgangj、daegsaekvaq dajcauh ronghdiemj、yinzvwnzvaq fugsah ginz-cung bae guhhong. Lumjbaenz aeu gij youhsi giz

dieg henzguk、minzczuz daengj dajcauh “sam rangh seiq sienq haj dieggiek cukmaenh gij eiqsik caezcaemh Cunghvaz Minzczuz Bwzswz Si”, bang vunz siujsoq minzczuz liuzdung ra hong daengj, byaijok diuz roen miz daegsaek Bwzswz、habngamj daegdiemj minzczuz、yienh’ok gij simmuengh vunzlai gak minzczuz ndeu.

(Vuj Cunghgoz / 伍忠国)

Yungzsuij: Makloengzfeiz Baez Vangh Bienqbaenz “Mak Baenzmiz”

融水：火龙果摇身一变“致富果”

8 nyied 21 hauh, youq Yungzsuij Myauzczuz Swciyen Sanhhaz Cunh Mbanjilzdwng, ndaek aen ndaek aen makloengzfeiz hoengzfwgfwg venj youq gwnzgo, yinx ndaej hekyouz daej mbaet、cimz. Geij bi gaxgonq, vunzmbanj Gungh Caimouz daj baihrog dawz gij gisuz dajndaem cungj mak neix ma, caemhcai q sawq ndaem gonq. Mbanj de gyawj bya, gyangngoenz hwngh lai, doengxhaemh liengz lai, mwh mbouj roengz mwi de cix nanz, gij makloengzfeiz ndaem okdaej haenx feihgwn、diemz raeuh、yingzyangj lai, bouxseng’ei q cungj maij cawx ma gai. Neix couh daiqdoengh le vunzmbanj dajndaem cungj mak neix, seizneix ndaw mbanj gaeng ndaem le 180 lai moux mak, miz mbanj lij aeu bae guh nungzyez lijyouz dem, vunzmbanj couh menhmenh bienq fouq baenzmiz lo.

(Lungz Linzci/龙林智)



▲ Vunzmbanj daj ndaw reih gwed mak okbae.

Majgyaz Hoengz Raeujsim, Hoenx Binghraq Miz Gou

暖心红马甲，战疫有我

Fajnaj oi qem、buhmajgyaz hoengz、gij ngauez nyaengqnywt……Gyoengq bouxgagnyienh youq giz dieg daj yizmyauz laenzseiz baebae dauqdaug. 8 nyied 19 hauh, Vujmingz Gih Gungcinghdonz laenzseiz ciu bouxgagnyienh bae aen Hozbingz Gaijfang Segih Cwngzyangh Cin giz dieg daj yizmyauz laenzseiz guh hongsaeh fuengzre binghraq. Rox gij saeh neix le, gyoengq daihhagseng lij youq ranz haenx foenfoen ciengj dwk bauqmingz, ngoenz de doq bae guhhong lo. Gyoengq—de dazyinx vunzlai baizdui、geiq sinsiz daengj, gaenxmaenx coengh rengz fuengzre binghraq, baijok bouxcoz gag rox dawz diuzrap aenbiengz daej.

(Lij Cinhanz Cangh Gen / 李俊娴 张健)